



20. juli 2007

Inatsisartut Forretningsorden-iani § 36 imm. 1 tunngavigalugu apeqquteqaat manna Naalakkersuisunut apeqquteqaatigerusuppara:

**Kalaallit-nunaanni politiit suliaannut maalaartarfimmi ilaasortat akissarsiaqartinneqarnerannut tunngatillugu Naalakkersuisunut apeqquteqaat.**

(Inatsisartunut ilaasortaq Lene Knüppel, Demokraatit)

**Tunngavigisaq:**

Kalaallit-nunaanni politiit suliaannut tunngatillugu maalaarutininik suliaqarnermut tunngatillugu Naalagaaffiup inatsisilerituuata 2006-imut nalunaarusiaani qallunaatuumi qupperneq 25-imi kiisalu kalaallisuumi qupperneq 58-imi imaattunik allaqqasoqarpoq:

”Politiit suliaannut tunngatillugu maalaaruteqarnernermut tunngatillugu aqqissuussineq 2000-imi Kalaallit-nunaannui atulersinneqarmalli Politiit suliaannut atunngatillugu maalaarutininik suliaqartut Justitsministeriarfimmik taamatut suliaqartartut Politiit suliaannut tunngatillugu maalaaruteqartarnermi suliarinninnerup nalaani aningaasarsiaqartitaanermut tunngasunik isumaqatiigiissuteqarsimapput, tassami taamatut suliaqarluni angalaneq annertuumik piffissamik atuisarmat, taamaattumillu Kalaallit-nunaanni taamatut suliaqartunut atugassanik aningaasaliinissaq pisariaqarmat. Maannali Politiit suliaannut tunngatillugu maalaarutininik suliaqarnermi ingerlatsivimmiit maluginiarneqarpoq, tamatumunnga tunngatillugu maleruagassanik Justitsminiateria suli suliaqarsimanngitsoq”.

”Politiit pillugit naammagittaalliuutinik aalajangiiniartartoqarnerannik aqqissuussineq 2000-ili eqquneqarmat, politiit pillugit naammagittaalliuutinik aajangiiniartartut qinnuteqarsimagaluarpot Justitsministerieqarfimmik isumaqatigiissuteqarniarlutik, aalajangiiniartatut sulinerminnut atatilugu angalanerminni akilerneqartarnissaannut tunngassumik, tamatumunnga tunngatillugu Kalaallit Nunaanni aalajangiisartunut ilaasortat piffissarujussuarmik atuisarmata. Justitsministerieqarfilli tamanna pillugu suli maleruagassanik erseqinnersusunik aalajangersaqarsimanngilaq.”

Isertitassanik annaasaqarnermut kiisalu sulinikkut aningaasarsiassaraluanik annaasaqarnermut tunngatillugu paasissutissiinerup Kalaallit-nunaanni politiit sulinerinut tunngatillugu maalaarutininik suliaqartartut sulinerannut tunngatillugu apeqquteqaateqarnissaq pisariaqartilerpaa, tassami taakkua Danmarkimi politiit suliaannut tunngatillugu maalaaruteqarnermik suliaqartartut ukiutumut marloriarlutik ataatsimeeqatigiartortarmatigik, kiisalu taakkua ukiumut ataasiarlutik imaluunniit ukioq allortarlugu Politimesterimik Nuummi ataatsimeeqateqartarmata.

Paasissutissat tunngavigalugit suleqatigiit pineqartut aammattaaq nammineerlutik ataatsimeeqatigiittarput, tassa maalaarutit ataasiakkaat suliarinerini oqarasuaatikkut ataatsimeeqatigiittarlutik.

Tamakkua tunuliaqutaralugit matumuuna Naalakkersuisut apeqquteqaatinik makkunanga apeqquteqaateqarfigianiapakka:



1. Taamatut suliaqartut Politiit suliaannut tunngatillugu naammagittaaliormik ingerlatsinerup ataani sulinermut atatillugu angalanermi aningaasarsiatigut ukiuni arfineq marlunni aalajangersimasumik sulii toqqammaviliortoqannginnera Naalakkersuisut naapertuilluarnertut isiginerlugu?
2. Justitsministeriap Politiit suliaannut tunngatillugu maalaartarfimmik ingerlatsinerup ataani sulinermut atatillugu angalanermi isertitatigut annaasarnernut/akissarsiassatigut annaasaqarnernut atatillugu apeqqummik suliaqarnerup pingaarnertinneqalernissaa kiisalu annaasatigut matussutissanik pissarsinissamut tunngatillugu piaarnerusumik suliaqarnissaannut tunngatillugu Naalakkersuisut qanoq iliuseqassamaarpat?